



ევროკავშირში გაწევრიანების პროცესი

თანმიმდევრული ნაბიჯები

#EUEnlargement

2023 წლის ნოემბერი

ნდობაზე დამყარებული გაფართოების პოლიტიკა გეოსტრატეგიული ინვესტიციაა ევროპაში **მშვიდობის, სტაბილურობის, უსაფრთხოებისა** და კეთილდღეობის დასამკვიდრებლად. ის ეფუძნება სამართლიან და მკაცრ პირობებს და დამსახურებაზე დაფუძნებულ პრინციპს. ის კანდიდატი ქვეყნებისგან მოითხოვს კომპლექსური რეფორმების განხორციელებას მრავალ ისეთ სფეროში, როგორცაა კანონის უზენაესობა და ეკონომიკა, და მათი კანონმდებლობის ევროკავშირის კანონთა კრებულთან შესაბამისობას. იმავე დროს, კანდიდატი ქვეყნებისგან მოელიან საკუთარი ადმინისტრაციული სტრუქტურების შექმნას. უდიდესი მნიშვნელობა ენიჭება კარგ სამეზობლო ურთიერთობებს და რეგიონულ თანამშრომლობას.

ყოველ წელს ევროკომისია წარადგენს გაფართოების კომუნიკეს, სადაც გაწერილია გაფართოების პროცესთან დაკავშირებული რეკომენდაციები და ცალკეული ანგარიშები. ანგარიშებში დეტალურადაა შეფასებული კანდიდატების და პოტენციური კანდიდატების საქმეთა მდგომარეობა და პროგრესი, რომელსაც ევროკავშირისკენ მიმავალ გზაზე მიაღწიეს. ეს შეფასება კონცენტრირდება ფუნდამენტური რეფორმების შესრულებაზე და, ასევე, მოიცავს ზედმიწევნით მითითებებს სამომავლო სარეფორმო პრიორიტეტებზე. კომუნიკე და ანგარიშები ერთად „გაფართოების პაკეტს“ შეადგენს.

ევროკავშირში გაწევრიანების ძირითადი ეტაპები



1 ქვეყანა წარადგენს განაცხადს საბჭოში (ევროკავშირის წევრი სახელმწიფოებისთვის).



2 კომისია წარადგენს მოსაზრებას განაცხადის შესახებ.



3 ევროკავშირის წევრი სახელმწიფოები იღებენ ერთსულოვან გადაწყვეტილებას ქვეყნისთვის კანდიდატის სტატუსის მინიჭების შესახებ.



4 ქვეყნის მიერ პირობების დაკმაყოფილების შემდეგ, წევრი სახელმწიფოები (ერთხმად) თანხმდებიან გაწევრიანების შესახებ მოლაპარაკებების დაწყებაზე.



5 ევროკომისია, წევრი სახელმწიფოების თხოვნით, წარადგენს მოლაპარაკების საწყის ჩარჩოს, როგორც მოლაპარაკებების საფუძველს. გაწევრიანების შესახებ მოლაპარაკებები ფორმალურად მას მერე იწყება, რაც წევრი სახელმწიფოები მოლაპარაკების ჩარჩოზე შეთანხმდებიან.



6 მოლაპარაკებების დროს, რომლებიც დაყოფილია ბლოკების და თავების მიხედვით, ქვეყანა ევროკავშირის კანონების და სტანდარტების დასანერგად ემზადება.



7 ყველა საკითხზე მოლაპარაკებების დასრულებისთანავე ევროკომისია ქვეყნის ევროკავშირში გაწევრიანების მზაობაზე თავის მოსაზრებას წარადგენს.



8 ამ მოსაზრების საფუძველზე ევროკავშირის წევრი სახელმწიფოები იღებენ ერთსულოვან გადაწყვეტილებას მოლაპარაკების პროცესის დასრულების შესახებ. საკუთარი თანხმობა უნდა განაცხადოს ევროპარლამენტმაც.



9 ევროკავშირის ყველა წევრი სახელმწიფო და კანდიდატი ქვეყანა ხელს აწერენ და ამტკიცებენ გაწევრიანების ხელშეკრულებას, რომლის საფუძველზეც ქვეყანა ევროკავშირის წევრი ხდება.

მოლაპარაკების თავების ბლოკები

2020 წლის თებერვლიდან მოქმედებს ევროკავშირში გაწევრიანების შესახებ მოლაპარაკებების განახლებული მეთოდოლოგია. შედეგად, მოლაპარაკების თავები ამჟამად ექვს თემატურ ბლოკად იყოფა:

- 1** საფუძვლები
- 2** შიდა ბაზარი
- 3** კონკურენცია და ინკლუზიური ზრდა
- 4** მწვანე დღის წესრიგი და მდგრადი კავშირები რესურსები, სოფლის მეურნეობა და ერთიანობის პოლიტიკა
- 5** საგარეო ურთიერთობები
- 6** ეკონომიკური კრიტერიუმები დემოკრატიული ინსტიტუტების ფუნქციონირება



თითოეულ ბლოკზე მოლაპარაკებები **ერთიანად იხსნება** მას შემდეგ, რაც ქვეყანა მიაღწევს აუცილებელ მაჩვენებლებს. თითოეულ თავზე მუშაობა ხორციელდება დამოუკიდებლად. **საფუძვლების შესახებ მოლაპარაკებები იხსნება პირველ რიგში და იხურება ბოლოს**; ამ ბლოკში მიღწეული წინსვლა მოლაპარაკებების საერთო ტემპს განსაზღვრავს. რეფორმების პრიორიტეტულ მიმართულებებში მნიშვნელოვან წინსვლას მოჰყვება უფრო მჭიდრო და დაჩქარებული ინტეგრაცია ევროკავშირთან და ინვესტიციებისა თუ დაფინანსების ზრდა.